

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

RJEŠENJE

**Prijava koncentracije privrednog subjekta Fresenius Medical Care Beteiligungsgesellschaft
mbH, Bad Homburg, SR Njemačka**

Sarajevo
mart 2011. godine



Broj: 06-26-1-003-19-II/11
Sarajevo, 23. mart 2011. godine

Na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta Fresenius Medical Care Beteiligungsgesellschaft mbH, Else - Kröner - Strasse 1, 61352 Bad Homburg, SR Njemačka, zaprimljenoj dana 19. januara 2011. godine pod brojem: 06-26-1-003-II/11, Konkurencijsko vijeće, na 11. (jedanaestoj) sjednici održanoj dana 23. marta 2011. godine, je donijelo

R J E Š E N J E

1. Ocjenjuje se dopuštenom koncentracija na tržištu pružanja usluga dijalize u Bosni i Hercegovini koja će nastati sticanjem kontrole privrednog subjekta Fresenius Medical Care Beteiligungsgesellschaft mbH, Else - Kröner - Strasse 1, 61352 Bad Homburg, SR Njemačka kupovinom (...)**% vlasničkih udjela u privrednom subjektu International Dialysis Centers Euromedic International Group B.V., Fred. Roeskestraat 123, 1076EE Amsterdam, Kraljevina Nizozemska od privrednog subjekta Euromedic International Goup B.V., Fred. Roeskestraat 123, 1076EE Amsterdam, Kraljevina Nizozemska.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo Prijavu koncentracije (u daljem tekstu: Prijava), pod brojem: 06-26-1-003-II/11 dana 19. januara 2011. godine, privrednog subjekta Fresenius Medical Care Beteiligungsgesellschaft mbH, Else - Kröner - Strasse 1, 61352 Bad Homburg, SR Njemačka (u daljem tekstu: Fresenius Medical Care ili Podnosilac prijave), putem advokatice Nedžide Salihović, Fra Anđela Zvizdovića 1/X, 71000 Sarajevo (punomoć od dana 5. januara 2011. godine) kojom namjerava kupiti privredni subjekt International Dialysis Centers B.V., Fred. Roeskestraat 123, 1076EE Amsterdam, Kraljevina Nizozemska (u daljem tekstu: International Dialysis Centers), uključujući i negove povezane privredne subjekte u Bosni i Hercegovini, od privrednog subjekta Euromedic International Group B.V., Fred. Roeskestraat 123, 1076EE Amsterdam, Kraljevina Nizozemska (u daljem tekstu: Euromedic International Group).

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj 34/10), te je zatražilo dopunu iste, u skladu sa članom 31. Zakona, aktom broj: 06-26-1-003-1-II/11 od dana 25. januara 2011. godine.

Podnosilac prijave je dostavio zahtjev za produženje roka za kompletiranje Prijave, u skladu sa članom 31. stav (2) Zakona, podneskom broj: 06-26-1-003-2-II/11 od dana 1. februara 2011. godine, koji je Konkurencijsko vijeće ocijenilo opravdanim i odobrilo dodatni rok za kompletiranje iste, aktom broj: 06-26-1-003-3-II/11 dana 2. februara 2011. godine.

Podnosilac prijave je dostavio dio dokumentacije, podneskom broj: 06-26-1-003-8-II/11 dana 4. februara 2011. godine, te je Konkurencijsko vijeće zatražilo dopunu aktom broj: 06-26-1-003-9-II/11 od dana 14. februara 2011. godine. Podnosilac prijave je dostavio traženu dokumentaciju podneskom broj: 06-26-1-003-14-II/11 od dana 25. februara 2011. godine i podneskom broj: 06-26-1-003-16-II/11 od dana 10. marta 2011. godine.

Konkurencijsko vijeće je kompletiranjem Prijave izdalo Potvrdu o prijemu kompletne i uredne Prijave, u skladu sa članom 30. stav (3) Zakona, aktom broj: 06-26-1-003-17-II/11 od dana 22. marta 2011. godine.

Podnosilac prijave u Prijavi je naveo, u smislu člana 30. stav (2) Zakona, da će zahtjev za ocjenu koncentracije podnijeti nadležnom tijelu za koncentraciju Republike Portugala, Republike Poljske, Republike Rumunjske, Republike Turske i Ruske Federacije.

Konkurencijsko vijeće, u skladu sa članom 16. stav (4) Zakona, je izdalo Obavijest o dostavljenoj Prijavi, broj: 06-26-1-003-4-II/11 dana 25. januara 2011. godine, u dnevnoj štampi Bosne i Hercegovine, i pozvalo sve zainteresovane strane na dostavljanje pisanih komentara o namjeravanoj koncentraciji. Na predmetnu Obavijest nisu dostavljeni komentari zainteresovanih strana.

Konkurencijsko vijeće u postupku ocjene dopuštenosti predmetne koncentracije je utvrdilo sljedeće činjenice:

Predmetna Prijava je podnesena pravovremeno, u skladu sa članom 16. stav (1) Zakona.

1. Učesnici predmetne koncentracije

Učesnici predmetne koncentracije su privredni subjekt Fresenius Medical Care Beteiligungsgesellschaft mbH, Else - Kröner - Strasse 1, 61352 Bad Homburg, SR Njemačka, i privredni subjekt Euromedic International Group B.V., Fred. Roeskestraat 123, 1076EE Amsterdam, Kraljevina Nizozemska.

1.1. Privredni subjekt Fresenius Medical Care

Privredni subjekt Fresenius Medical Care Beteiligungsgesellschaft mbH (nekad Fresenius Beteiligungsgesellschaft mbH), Else - Kröner - Strasse 1, 61352 Bad Homburg v.d. Höhe, SR Njemačka, je registrovan u Općinskom sudu Bad Homburg v.d. Höhe, pod brojem: HRB 3938 (dan prvog upisa 26. juna 1989. godine), sa osnovnim kapitalom (..)**¹ KM (EUR (..)**).

Privredni subjekt Fresenius Medical Care AG & Co. KGaA, Else - Kröner - Strasse 1, 61352 Bad Homburg v.d. Höhe, SR Njemačka, komanditno društvo registrovano u Općinskom sudu Bad Homburg v.d. Höhe, pod brojem: HRB 4019, sa osnovnim kapitalom (..)**KM (EUR (..)**) ima (..)**% vlasničkih udjela u privrednom subjektu Fresenius Medical Care.

¹ (..)** - Podaci predstavljaju poslovnu tajnu, u smislu člana 38. Zakona o konkurenciji

Pretežne registrovane djelatnosti privrednog subjekta Fresenius Medical Care su zajednička ulaganja u farmaceutskoj industriji, proizvodnja medicinske opreme i potrošnog materijala, trgovina proizvodima u okviru registrovane djelatnosti.

Privredni subjekt Fresenius Medical Care ima (..)**% vlasničkih udjela u privrednom subjektu Fresenius Medical Care Deutschland GmbH, Else - Kröner - Strasse 1, 61352 Bad Homburg v.d. Höhe, SR Njemačka (u daljem tekstu: Fresenius Medical Care Deutschland), registrovanom u Općinskom sudu Bad Homburg v.d. Höhe, pod brojem: HRB 5748, sa osnovnim kapitalom (..)**KM (EUR (..)**).

Pretežne registrovane djelatnosti privrednog subjekta Fresenius Medical Care Deutschland su proizvodnja medicinskih i farmaceutskih proizvoda, projektovanje, izgradnja i kupovina preduzeća u oblasti zdravstva (uključujući i centre za dijalizu) i pružanja usluga u toj oblasti, trgovina farmaceutskim proizvodima.

1.1.1. Povezana društva privrednog subjekta Fresenius Medical Care u Bosni i Hercegovini

Privredni subjekt Fresenius Medical Care ima povezane privredne subjekte u Bosni i Hercegovini:

- privredni subjekt Fresenius Medical Care BH d.o.o. Sarajevo društvo za promet i usluge, Avde Sumbula 1, 71000 Sarajevo;
- privredni subjekt Zdravstvena ustanova Fresenius Medical Care dijalizna njega d.o.o. Banja Luka, Društvo za trgovinu i promet, Vase Pelagića 12, 78000 Banja Luka;
- privredni subjekt Zdravstvena ustanova Fresenius Medical Care Centar za dijalizu, specijalna bolnica za pružanje usluga dijalize za pacijente sa dijagnozom poremećaja rada bubrega u termalnoj fazi bolesti, Šamac, Cara Dušana 70, 76230 Šamac.

Privredni subjekt Fresenius Medical Care u Bosni i Hercegovini ima Ugovor o izgradnji i upravljanju Dijaliznim centrom u Brčko distriktu Bosne i Hercegovine, koji treba biti završen u 2011. godini.

1.1.1.1. Privredni subjekt Fresenius Medical Care BH d.o.o. Sarajevo

Privredni subjekt Fresenius Medical Care Deutschland ima (..)**% vlasničkih udjela u privrednom subjektu Fresenius Medical Care BH d.o.o. Sarajevo društvo za promet i usluge, Avde Sumbula 1, 71000 Sarajevo (u daljem tekstu: Fresenius Medical Care Sarajevo), registrovanom u Općinskom sudu Sarajevo pod brojem: 1-26457 (JIB 4201262990001), sa osnovnim kapitalom od (..)**KM.

Pretežne registrovane djelatnosti privrednog subjekta Fresenius Medical Care Sarajevo su vanjska trgovina, posredovanje u trgovini, trgovina na veliko farmaceutskim proizvodima i drugim robama.

Privredni subjekt Fresenius Medical Care Sarajevo ima podružnicu u Tuzli (JIB 4201262990028), Mehmedalije Maka Dizdara 11, 75000 Tuzla.

1.1.1.2. Privredni subjekt Zdravstvena ustanova Fresenius Medical Care dijalizna njega d.o.o. Banja Luka

Privredni subjekt Zdravstvena ustanova Fresenius Medical Care dijalizna njega d.o.o. Banja Luka, Društvo za trgovinu i promet, Vase Pelagića 12, 78000 Banja Luka (u daljem tekstu: Fresenius Medical Care Banja Luka), je registrovan u Osnovnom sudu Banja Luka, pod brojem 1-16574-00) (JIB 4402742430001), i osnovan od privrednog subjekta Fresenius Medical Care Sarajevo, sa osnovnim kapitalom od (..)**KM.

Pretežne registrovane djelatnosti privrednog subjekta Fresenius Medical Care Banja Luka su dijalizna njega, vanjska trgovina, posredovanje u trgovini na veliko i malo raznim proizvodima.

1.1.1.3. Privredni subjekt Zdravstvena ustanova Fresenius Medical Care Centar za dijalizu, specijalna bolnica za pružanje usluga dijalize za pacijente sa dijagnozom poremećaja rada bubrega u termalnoj fazi bolesti Šamac

Privredni subjekt Zdravstvena ustanova Fresenius Medical Care Centar za dijalizu, specijalna bolnica za pružanje usluga dijalize za pacijente sa dijagnozom poremećaja rada bubrega u termalnoj fazi bolesti Šamac, Cara Dušana 70, 76230 Šamac (u daljem tekstu: Fresenius Medical Care Centar Šamac), je registrovan u Osnovnom sudu Doboj pod brojem: 85-05-0012-09 (JIB 4403014700007), i osnovan od privrednog subjekta Fresenius Medical Care Banja Luka, sa osnovnim kapitalom od (..)**KM.

Pretežna registrovana djelatnost privrednog subjekta Zdravstvena ustanova Fresenius Medical Care Centar Šamac je pružanje usluga dijalize.

Privredni subjekt Fresenius Medical Care Šamac u svom sastavu ima poslovne jedinice za pružanje usluga dijalize u Zvorniku, Sime Perića bb, 75400 Zvornik (JIB 4403014700015), u Doboju, Pop Ljubina bb, 74000 Doboj (posljednja promjena registracije na Okružnom privrednom sudu Doboj od dana 21. decembra 2010. godine Rješenje broj: 60-0-Reg-10-000-361) i Prijedoru, Milana Vrgovca 1, 79000 Prijedor (sudska registracija u toku).

1.2. Privredni subjekt Euromedic International Group

Privredni subjekt Euromedic International Group B.V., Fred. Roeskestraat 123, 1076EE Amsterdam, Kraljevina Nizozemska, registrovan u Trgovačkoj komori Amsterdam pod brojem: 27289508, sa osnovnim kapitalom od (..)**KM (EUR (..)**), i sa (..)**% vlasničkih udjela (od dana 18. novembra 2008. godine) privrednog subjekta Danube Bidco S.A., 1A, rue Thomas Edison, L-1445 Strassen Luksemburg, registrovanog u Trgovačkom registru Luksemburga pod brojem: B 139927.

Pretežna registrovana djelatnost privrednog subjekta Euromedic International Group su vođenje firmi i finansijsko ulaganje u firme.

Privredni subjekt Euromedic International Group ima (..)**% vlasničkih udjela u privrednom subjektu Euromedic International B.V., Fred. Roeskestraat 123, 1076EE Amsterdam, Kraljevina Nizozemska, registrovanom u Trgovačkoj komori Amsterdama pod brojem: 27289621), koji ima (..)**% vlasničkih udjela u privrednom subjektu International Dialysis Centers B.V., Fred. Roeskestraat 123, 1076EE Amsterdam, Kraljevina Nizozemska (u daljem tekstu: International Dialysis Centers), registrovanom u Trgovačkoj komori Amsterdama pod brojem: 34123845.

Pretežne registrovane djelatnosti privrednog subjekta International Dialysis Centers (predmet koncentracije) su vođenje i finansijsko ulaganje u firme koje djeluju u oblasti trgovine medicinskom opremom.

1.2.1. Povezana društva privrednog subjekta Euromedic International Group u Bosni i Hercegovini

Privredni subjekt Euromedic International Group ima povezane privredne subjekte u Bosni i Hercegovini:

- privredni subjekt Zdravstvena ustanova - bolnica INTERNACIONALNI DIJALIZA CENTAR Banja Luka;
- privredni subjekt Zdravstvena ustanova - bolnica International Medical Centers Banja Luka.

Također, privredni subjekt Euromedic International Group je imao (..)**% vlasničkih udjela u privrednom subjektu Preduzeće za investicije i menadžment International Medical Investment d.o.o. Banja Luka, Bana Milosavljevića 8, 78000 Banja Luka, koje je likvidirano dana 27. oktobra 2010. godine (Rješenje Okružnog privrednog suda u Banja Luci, broj: 57 0 L 080559 10 L).

1.2.1.1. Privredni subjekt Zdravstvena ustanova - bolnica INTERNACIONALNI DIJALIZA CENTAR Banja Luka

Privredni subjekt International Dialysis Centers ima (..)**% vlasničkih udjela u privrednom subjektu Zdravstvena ustanova - bolnica INTERNACIONALNI DIJALIZA CENTAR Banja Luka, Bana Milosavljevića 8, 78000 Banja Luka (u daljem tekstu: IDC Banja Luka), registrovanom u Osnovnom sudu Banja Luka, pod brojem: 5-12-00, sa osnovnim kapitalom od(..)**KM.

Pretežne registrovane djelatnosti privrednog subjekta IDC Banja Luka su djelatnosti bolnice direktna medicinska praksa, zdravstveno preventivna praksa.

Privredni subjekt IDC Banja Luka u svom sastavu ima oranzacione /poslovne jedinice:

- u Bjeljini, Bogdana Žerajića bb, registrovana u Osnovnom sudu Banja Luka, pod brojem: 5-12-01;
- u Istočnom Sarajevu - Kasindol, Kasindolskog bataljona 113, registrovana u Osnovnom sudu Banja Luka, pod brojem: 5-12-03;
- u Laktašima, Nemanjina 6, registrovana u Osnovnom sudu Banja Luka, pod brojem: 5-12-02;
- u Gradišci, Mladena Stojanovića 10, registrovana u Osnovnom sudu Banja Luka, pod brojem: 5-12-04.

1.2.1.2. Privredni subjekt Zdravstvena ustanova-bolnica International Medical Centers Banja Luka

Privredni subjekt Cancer Treatment Centres B.V., Fred. Roeskestraat 123, 1076EE Amsterdam, Kraljevina Niozemska (u daljem tekstu: Euromedic Cancer Treatment Centres) (u (..)**% vlasništvu je privrednog subjekta Euromedic International Group) ima (..)**% vlasničkih udjela u privrednom subjektu Zdravstvena ustanova - bolnica International Medical Centers Banja Luka, Bana Milosavljevića 8, 78000 Banja Luka (u daljem tekstu: IMC Banja Luka) upisan u Osnovnom sudu Banja Luka, pod brojem: 1-11198-00, sa osnovnim kapitalom od (..)**KM.

Pretežne registrovane djelatnosti privrednog subjekta IMC Banja Luka su proizvodnja medicinske opreme, trgovina na veliko farmaceutskim proizvodima, trgovina na malo medicinskim preparatima, djelatnosti bolnice, zdravstvena preventivna zaštita, stomatološka praksa.

2. Obaveza prijave koncentracije

Obaveza prijave koncentracije nastaje, u smislu odredbe člana 14. stav (1) Zakona, kada učesnici koncentracije prodajom roba i/ili usluga ostvare na svjetskom tržištu 100 miliona KM po završnom računu u godini koja je prethodila koncentraciji, i kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i /ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni godišnji prihodi učesnika koncentracije (sa prihodima povezanih privrednih subjekata), iznose:

Tabela 1.

R.b.	Privredni subjekt	Svijet		Bosna i Hercegovina KM	
		EUR	KM	2009	2010
1.	Fresenius Medical Care AG & Co. KGaA	(..)**	(..)**	-	-
2.	Fresenius Medical Care	(..)**	(..)**	(..)**	(..)**
3.	Euromedic International Group	(..)**	(..)**	-	-
4.	International Dialysis Centers	(..)**	(..)**	(..)**	(..)**

Izvor: Podaci iz Prijave

U ukupan godišnji prihod (za 2010. godinu) privrednog subjekta Fresenius Medical Care u Bosni i Hercegovini uključeni su prihodi povezanih privrednih subjekata (Fresenius Medical Care Sarajevo (..)**KM; Fresenius Medical Care Banja Luka (..)**KM; Fresenius Medical Care Centar Šamac (..)**KM), prihodi ostvareni direktnom prodajom kupcima i preko ovlaštenih distributera u iznosu (..)**KM i ostali finansijski prihodi (..)**KM, a u ukupan prihod privrednog subjekta International Dialysis Centers uključeni su prihodi povezanih privrednih subjekata (IMC Banja Luka (..)**KM; IDC Banja Luka (..)**KM).

Godišnji prihodi učesnika koncentracije predstavljaju ukupne prihode (bez poreza na dodanu vrijednost i drugih poreza), u smislu člana 9. tačka h) Odluke o načinu podnošenja prijave i kriterija za ocjenu koncentracija privrednih subjekata.

Konkurencijsko vijeće, u skladu sa članom 43. stav (7) Zakona, pri izračunu ukupnih godišnjih prihoda učesnika koncentracije je koristilo kriterije i standarde Obavijesti Evropske komisije o izračunu ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekata.

Na osnovu navedenih podataka o ukupnom godišnjem prihodu (Tabela 1), u smislu člana 14. stav (1) tačke a) i b) Zakona, utvrđeno je da su učesnici koncentracije obavezni podnijeti Prijavu.

3. Pravni okvir ocjene koncentracije

Konkurencijsko vijeće u provedbi postupka ocjene dopuštenosti predmetne koncentracije je primjenilo odredbe Zakona, Odluke o utvrđivanju relevantnog tržišta («Službeni glasnik BiH»,

br. 18/06 i 34/10), te Odluke o načinu podnošenja prijave i kriterija za ocjenu koncentracija privrednih subjekta.

Konkurencijsko vijeće je, na osnovu člana 43. stav (7) Zakona, koristilo sudsku praksu Evropskog suda i odluke Evropske komisije, kao i kriterije i standarde iz Obavijesti Evropske Komisije o izračunu ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekta.

4. Pravni osnov i oblik koncentracije

Privredni subjekt Fresenius Medical Care i privredni subjekt Euromedic International Group su zaključili, dana 4. januara 2011. godine, Okvirni sporazum za prenos poslovanja i imovine, koji se odnosi na dio poslova dijalize privrednog subjekta International Dialysis Centers.

Privredni subjekt Fresenius Medical Care nakom provedene koncentracije će imati (..)**% vlasničkih udjela u privrednom subjektu International Dialysis Centers.

Konkurencijsko vijeće je prihvatilo Odluku kao pravni osnov predmetne koncentracije, u smislu člana 16. stav (1) Zakona, a u vezi sa članom 30. stav (1) tačka a) Zakona i članom 9. tačka f) alineja 6. Odluke o načinu podnošenja prijave i kriterijima za ocjenu koncentracija privrednih subjekta.

U smislu člana 12. stav (2) tačka b) pod 1) Zakona pravni oblik predmetne koncentracije je sticanje kontrole ili prevladavajućeg uticaja jednog privrednog subjekta (Fresenius Medical Care) nad dijelom drugog privrednog subjekta (International Dialysis Centers, u vlasništvu privrednog subjekta Euromedic International Group) kupovinom većine dionica.

5. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Relevantno tržište proizvoda i/ili usluga u konkretnom slučaju je tržište pružanja usluga dijalize (uključuje medicinske usluge vezane za tretman hemodijalize i peritonealne dijalize).

Budući da učesnici koncentracije, preko svojih povezanih privrednih subjekta, djeluju na cijeloj teritoriji Bosne i Hercegovine, relevantnim tržištem u geografskom smislu smatrat će se cijela teritorija Bosne i Hercegovine.

Slijedom navedenoga, pod relevantnim tržištem predmetne koncentracije smatrat će se pružanje usluga dijalize na cijeloj teritoriji Bosne i Hercegovine.

U određivanju relevantnog tržišta u geografskom smislu u obzir su uzeti i Sporazumi o načinu i postupku korištenja zdravstvene zaštite osiguranih osoba na teritoriji Bosne i Hercegovine, van teritorije entiteta, odnosno Brčko distrikta Bosne i Hercegovine («Službene novine F BiH», broj 8/02; «Službeni glasnik RS», broj 9/02), zaključen između Fonda zdravstvenog osiguranja Republike Srpske, Zavoda zdravstvenog osiguranja i reosiguranja Federacije Bosne i Hercegovine i Vlade Brčko Distrikta Bosne i Hercegovine – Odsjek za zdravstvo, javnu sigurnost i ostale usluge građanima, propisuju i mogućnosti upućivanja na liječenje pacijenata u zdravstvenu ustanovu na teritoriju drugog entiteta i Brčko Distrikta Bosne i Hercegovine, te mehanizme refundacije troškova liječenja tih pacijenata.

6. Analiza relevantnog tržišta koncentracije

Konkurencijsko vijeće u analizi relevantnog tržišta u Bosni i Hercegovini je koristilo, pored podataka iz Prijave, i podatke dostavljene od Ministarstva zdravstva i socijalne zaštite Republike Srpske, podnesak zaprimljen pod brojem: 06-26-1-003-10-II/11 dana 14. februara 2011. godine, Fonda zdravstvenog osiguranja Republike Srpske, podnesak zaprimljen pod brojem: 06-26-1-003-13-II/11 dana 12. februara 2011. godine, Zavoda zdravstvenog osiguranja i reosiguranja Federacije BiH, podnesak zaprimljen pod brojem: 06-26-1-03-15-II/11 dana 3. marta 2011. godine.

Procjena tržišnih udjela (prema broju zdravstvenih ustanova i organizacionih jedinica) učesnika koncentracije i ostalih konkurenata na relevantnom tržištu pružanja usluga dijalize, na dan 31. decembra 2010. godine:

Tabela 2.

R.b.	Privredni subjekt	Broj zdravstvenih ustanova	Tržišni udio %
1.	IDC	(..)**	(..)**
2.	Fresenius Medical Care	(..)**	(..)**
3.	Ostale zdravstvene ustanove	(..)**	(..)**
	UKUPNO	27	100,0
	Ukupno učesnici koncentracije (1+2)	(..)**	(..)**

Izvor: Podaci iz Prijave

Prema podacima (Tabela 2.) ukupan tržišni udio učesnika koncentracije na relevantnom tržištu pružanja usluga dijalize u Bosni i Hercegovini je 30,0-40,0%.

Pored učesnika koncentracije na relevantnom tržištu su prisutne zdravstvene ustanove koje se nalaze u Sarajevu (Klinički univerzitetski centar i odjel Ilidža), Zenici (sa odjelima u Visokom i Žepču) Travnik, Foča, Konjic, Mostar, Trebinje, Livno, Orašje (sa odjelom u Odžaku), Tešanj, Tuzla, Gračanica, Živinice, Bihać i Brčko Distriktu Bosne i Hercegovine.

Ukupan broj pacijenata u zdravstvenim ustanovama za dijalizu u Bosni i Hercegovini, u 2010. godini:

Tabela 3.

R.b.	Dijalizni centri u Bosni i Hercegovini	Broj pacijenata	Udio%
1.	ZU Bijeljina	(..)**	(..)**
2.	KCU Sarajevo	(..)**	(..)**
3.	UKC Tuzla	(..)**	(..)**
4.	KB Zenica	(..)**	(..)**
5.	ZU Banja Luka	(..)**	(..)**

6.	KB Mostar	(..)**	(..)**
7.	JU bolnica Travnik	(..)**	(..)**
8.	KB Bihać	(..)**	(..)**
9.	ZU Dobo	(..)**	(..)**
10.	ŽB Orašje	(..)**	(..)**
11.	ZU Šamac	(..)**	(..)**
12.	ZU Laktaši	(..)**	(..)**
13.	Opća bolnica Gračanica	(..)**	(..)**
14.	ZU Brčko	(..)**	(..)**
15.	ZU Zvornik	(..)**	(..)**
16.	ZU Prijedor	(..)**	(..)**
17.	ZU Istočno Sarajevo -Kasindo	(..)**	(..)**
18.	JZU DZ Živinice	(..)**	(..)**
19.	Opća bolnica Tešanj	(..)**	(..)**
20.	ZU Gradiška	(..)**	(..)**
21.	ŽB Livno	(..)**	(..)**
22.	JZU Trebinje	(..)**	(..)**
23.	Opća bolnica Konjic	(..)**	(..)**
24.	JZU Foča	(..)**	(..)**
	UKUPNO	2.236	100,0
	Ukupno učesnici koncentracije 1+5+9+11+12+15+16+17+20	(..)**	(..)**

Izvor: podaci Konkurencijskog vijeća dobijeni od nadležnih institucija

7. Ocjena koncentracije

Konkurencijsko vijeće analizom relevantnih podataka, u smislu člana 17. Zakona, je ocijenilo da će se provođenjem predmetne koncentracije povećati tržišni udio na relevantnom tržištu pružanja usluga dijalize u Bosni i Hercegovini (podaci u Tabelama 2. i 3.), ali neće doći do stvaranja i jačanja dominantnog položaja.

Pružanje usluga dijalize u dijaliznim centrima u Republici Srpskoj, način nadzora (Ministarstva zdravstva i socijalne zaštite i Fonda zdravstvenog osiguranja Republike Srpske), kao i trajanje ugovora i način vraćanja u vlasništvo Republike Srpske je definisano ugovorima o javno-privatnom partnerstvu.

Konkurencijsko vijeće prilikom donošenja konačne odluke je uzelo u obzir i planove Podnosioca prijave o pogodnostima koje će nastati za postojeće i buduće pacijente, u vezi podizanja kvaliteta pružanja usluga dijalize, kvaliteta liječenja u dijaliznim klinikama te unaprijeđenje istraživanja i razvoja ove oblasti.

Također, Konkurencijsko vijeće je uzelo u obzir da se cijene pružanja dijaliznih usluga regulišu ugovorima sa nadležnim zdravstvenim ustanovama, čime se onemogućava manipulacija ili zloupotreba u formiranju ovih cijena, te sprječavanje narušavanja efikasne tržišne konkurencije i štetnih efekata na krajnje korisnike /pacijente.

Slijedom navedenoga Konkurencijsko vijeće je ocijenilo dopuštenom predmetnu koncentraciju, u smislu člana 18. stav (2) tačka a) Zakona.

8. Administrativna taksa

Podnosilac prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi sa procesnim radnjama pred Konkurencijskim vijećem

(«Službeni glasnik BiH», br. 30/06 i 18/11) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Rješenja.

Predsjednik

dr. Stjepo Pranjić